

# HALLO KLAUS (I WÜ NUR ZRUCK)

Text und Musik: Nick R. Bocker  
Bearbeitung: Erwin Jahreis

I waß net amoi mehr was los war,  
wahrscheinlich war er wieder mal blau.  
Vielleicht hab i was gsagt, vielleicht hab i eam greizt,  
i was es heut nimmer genau.  
Er redet ja oft gern an Blödsinn,  
und i halt mi dann a nimmer zruck,  
dann häng i eam gschwind no a Goschn an,  
da spuin ma halt dann beide verruckt.  
Jetzt is des scho über a Wochn her,  
i halt des net ohne eam aus.  
Jetzt ruf i eam an und wann er se meldt,  
sag i zu eam: "Hallo Klaus..."

I wü nur zruck zu dir, i wü nur zruck zu dir,  
kannst du mir no amoil verzeihn, i hab vü, vü zu bereun.  
Mir is klar, i war a Narr, i wü nur zruck zu dir.  
I wü nur zruck zu dir, i wü nur zruck zu dir.  
Mir is klar, i war a Narr, i wü nur zruck zu dir.

So kann i net lebn, des gibt ma ka Ruah,  
i halt des net aus und gib nach.  
Am Tag drah i durch, in der Nacht lieg i wach,  
vor lauter Heuln san meine Augn scho zua.  
So, jetzt reiß i mi zamm, pfeiff auf den Stolz,  
jetzt ruf i eam an in mein Schmerz.  
Der ruft sicher net an, der hat ja ka Herz,  
aber i bin halt net aus Holz.  
Mir zittern die Händ als i di Nummer wähl,  
hoffentlich is er daham.  
I sag: "Hallo Klaus, i bin´s, Deine Maus",  
da hör i ihn, i man i tram:

I wü nur zruck zu dir, i wü nur zruck zu dir,  
kannst du mir no amoil verzeihn, i hab vü, vü zu bereun.  
Mir is klar, i war a Narr, i wü nur zruck zu dir.  
I wü nur zruck zu dir, i wü nur zruck zu dir.  
Mir is klar, i war a Narr, i wü nur zruck zu dir!